



UPA 2015/138

Michael Rosing

21. maj 2015

Kommunit sisamaasut akornanni Nunaqarfinni Aqutsisut akisussaaffiini pisinnaatitaaneqarnerannillu assigiiaarnerusumik atorneqartussaatinniisaat qanoq anguniarneqarsinnaanersoq pillugu oqallisissiatut siunnersuut.

(Inatsisartunut ilaasortat Sara Olsvig aammalu Ane Hansen, Inuit Ataqtigiit)

Demokraatini kommunit nammineerluni aqussinnaatitaanerat ataqqivarput aamma isumaqarpugut kommunit ataasiakkaat nalilersortariaqaraat qanoq annertutigisumik nunaqarfinni aqutsisut akuutissanerlugit.

Kommunilli kaammattorusuppagut sumiiffiit pillugit nalunngisat ilisimasallu qularnanngitsumik nunaqarfinni aqutsisuni ataasiakkaaniittut atorluarniaqqullugit, aalajangiinerni najukkami soqutisat sapinngisamik ataqqineqartarsinnaaqqullugit.

Tamatuma saniatigut iluarsartuussinerup nalilersorneqarata inaarsarnissaanut qilanaarpugut, ersarissumik takusinnaanngortussaagatsigu, illoqarfinni nunaqarfinnilu qanimut demokrati sapinngisamik pitsaanerpaaq anguneqassappat suut pisariaqassanersut.

Taakkuugallarput Demokraatini oqallinnermut ilanngukkusutagut.